



Cywain

Tyfu busnes trwy  
gydweithio  
Growing business  
through collaboration



## COVID-19

[Nodyn 1-13 Mawrth 2020] [Note 1 - 13th March 2020]

Mae Menter a Busnes yn monitro'r sefyllfa'n ymwneud â'r Coronafeirws (COVID-19) yn barhaus, ynghyd â'r effaith ar gynhyrchwyr bwyd a diod o Gymru. Rydym ni wedi siarad gyda'r prif adwerthwyr, ac nid yw'r mwyafrif ohonynt yn cynnal cyfarfodydd wyneb i wyneb ar hyn o bryd ac maent wedi canslo unrhyw deithio nad yw'n hanfodol.

Gweler isod:

- Crynodeb o'r gefnogaeth, cyngor a chanllawiau allanol sydd ar gael i ddiogelu eich busnes yn ystod achosion Coronafeirws gan gynnwys
  - Cynllunio'n gyffredinol
  - Rheoli Pobl a materion AD
  - Gweithio o gartref
  - Cyllid a chanfod cefnogaeth ariannol
  - Cwestiynau Cyffredin
  - Crynodeb o'r hyn y dylid ei ystyried / goblygiadau ar gyfer eich busnes

[CEFNOGAETH ALLANOL - [YMA](#)]

[PARHÂD BUSNES - [YMA](#)]

Er mwyn cefnogi busnesau, bydd Cywain yn lansio'r **Cynllun Cefnogi Cynaliadwyedd Busnes** yr wythnos nesaf er mwyn hybu sefydlogrwydd a chynaliadwyedd busnesau o ganlyniad i'r amgylchedd masnachol anodd a achoswyd gan y Coronafeirws (COVID-19). Bydd rhagor o fanylion yn cael eu hanfon atoch yr wythnos nesaf.

**Cyngor** - os oes angen unrhyw gyngor arnoch mewn meysydd megis AD neu gyllid, cysylltwch â ni.

**Cyfarfodydd ar-lein** - os oes angen unrhyw gyngor neu gefnogaeth arnoch er mwyn cynnal cyfarfodydd dros y we, gallwn gynnig cymorth.

Byddwn ni'n cyhoeddi gwybodaeth a chyfarwyddyd pellach pan fydd ar gael, ond mae croeso i chi gysylltu â'ch Rheolwr Datblygu Cywain neu eich Rheolwr Clwstwr os oes angen unrhyw wybodaeth neu gyngor, neu gallwch e-bostio [cywain@menterabusnes.co.uk](mailto:cywain@menterabusnes.co.uk)

Gweler hefyd wybodaeth ar wefan Bwyd a Diod Cymru [yma](#)

**Alun Jones**  
**Prif Weithredwr / Chief Executive**  
**Menter a Busnes**